



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

Vande wijinghe der asschen/ palmen/ keerssen.

urn:nbn:de:hbz:466:1-39385

van 40. daghen / die begint op den Asch-woens-
dagh / ende duert tot Paeschen toe.

M. VVaer-om heet-men den eersten dagh van
dese 40. daghen, Asch-woens-dagh?

D. Om dat dan de hoofden van de Christenen/
nae de oude ende loffelijcke ghewoonte der heylig-
gher Kercken / met aschen (die deur veel schoone
ghebeden ghewijt zijn) van de Priesters gespreydt
ende gheteekent worden : om hier deur tot oodt-
moedighedyt ende penitentie vermaent ende ver-
weckt te worden . ghelijck-men oock den lesten
Son-dagh van dese viertigh daghen / den Palm-
son-dagh noemt / om dat de H. Kercke all- dan
deur sekere ceremonien ende ghebeden / palin oft
olijf-tacken wijt / tot een ghedenckenisse van de
olijuen ende palm-tacken / die van de Jerusa-
lemsehe mannen af-ghehouwen ende inden wegh
ghespreydt waren / als Christus onse Saligh-
maecker met grooten triumphhe deur sijn doodt
binnen Jerusalem ghecomen is . Welcke oljue
ende palm-tacken groote crachten teghen de too-
uerije ende andere listen des dupuels hebben :
ghelijck oock doen de keerssen / die op onser lie-
uer Vrouwen Licht-misse dagh ter eeren onses
Saligh-maekers ghewijt worden. die all-dan in
den tempel te Jerusalem van sijn heylighe Moeder
Gode gheoffert wierdt : wiens lichaem deur
het wasch der keerssen / ende de siele deur de wier-
ke / ende sijn Godtheyt deur het licht beteekent
wordt.

M. VVaer-om gheeft-men al-sulcken ghewijde
keerssen den menschen die in hun uysterste
oft vonnisse ligghen ?

D. Ten eersten / op dat sy sijn deur / van de listen

des byandts souden bevyjdt zijn. Ten tweeden/
om heur te vermaenen dat sy hen bereyden / met
de vijf wijse maeghden heuren bruydegom Chri-
sto met brandende lampen / dat is / met een herte
vol van goede wercken / uyt een brandende liefde
ghedaen / te gheuoete comen. Ten derden / om
daer deur te beteekenen / dat sy in't selue gheloo-
ue steruen / d'welck sy in't doopsel (daer-men hen
dese keerste gaf) ontfanghen hebben.

M. VVelcke daghen zijnder noch gheboden
te vasten, bouen de veur-seyde viertigh
daghen?

D. De Quater-tempers ende alle Vigilie-dagen.

M. Hoe moet-men vasten?

D. Ten eersten / moet-men den gheheelen Va-
sten / oock t' Son-daghs (hoe-wel men dan niet
en vastet) vleesch / epers / ende supuel deruen : ten
zij dat de Bisschop het supuel toe-laet : maer op
andere vasten-daghen magh-men supuel ende
eperen eten. Ten tweeden / men moet maer
eens s' daeghs eten / ende dat omtrent mid-dagh:
hoe wel het gheozloft is / s'auondts een collatie
te nemen / naer de ghewoonte der Chriſtenen /
meer tot medecijne / dan tot voedsel.

M. VVie is ghehouden te vasten?

D. Alle menschen / die een-en-twintigh iaeren
oudt zijn / ende gheen wettelijck belett en hebben
deur cranchheydt / armoede / oft arbeyde / etc.

M. Wanneer moet-men bouen de vastenda-
ghen noch vleesch deruen?

D. Op alle Vrij-daghen / ende Sater daghen /
ende sommighe andere / nae de ghewoonte des
landts daer-men woont : als / in dese landen / op
S. Marcus dagh / ende in de drij Cruyl daghen.

Het